

U februaru 2004, stepen provedbe imovinskih zakona u Bosni i Hercegovini ostaje na 93 procenta

Posljednje statistike o provedbi imovinskih zakona u Bosni i Hercegovini pokazuju da stepen provedbe u februaru ostaje 93 procenta.

Agencije koje nadgledaju provedbu imovinskih zakona OHR, OSCE i UNHCR izvještavaju da je sa krajem februara od ukupnog broja 216.686 podnesenih zahtjeva za povrat imovine, 201.566 useljivih stambenih jedinica vraćeno u posjed svojim zakonitim vlasnicima. Istovremeno, doneseno je više od 99 procenata prvostepenih odluka.

Tri agencije objavljuju da su ukupno 73 općine verificirale suštinski završetak provedbe imovinskih zakona. Osim toga, još 54 općine su izvijestile o rješavanju svih podnesenih zahtjeva i na taj način ispunile prvi uvjet iz PLIP Smjernica općinama o suštinskom završetku imovinskih zakona.

Općine Doboj i Zvornik priključile su se ovoj grupi u martu i napravile važan korak ka ispunjavanju svojih obaveza propisanih imovinskim zakonima.

Agencije pozivaju općine Tuzla, Donji Vakuf, Jajce, Banja Luka, Bijeljina, Prnjavor, Mrkonjić Grad/Ribnik da krenu istim putem i pokažu svoju riješenost da uspješno završe ovaj proces.